



Bosnia and Herzegovina
Federation of Bosnia and Herzegovina

CANTON SARAJEVO
Ministry of Physical Planning Construction and
Environmental Protection

Broj: 05/01-05-43190-49.145/19 RA
Sarajevo, 30.12.2019. godine

SKUPŠTINA KANTONA SARAJEVO

- o v d j e -

n/r Elmedin Konaković, predsjedavajući

PREDMET: Odgovor na zastupničku inicijativu – zastupnik Vitor Handžić, dostavlja se

Zastupnik u Skupštini Kantona Sarajevo Vitor Handžić, na 16. Radnoj sjednici Skupštine Kantona Sarajevo, održanoj dana 11.12.2019. godine, u okviru tačke Dnevnog reda "poslanička/zastupnička pitanja, inicijative i odgovori", pokrenuo je zastupničku inicijativu, kako slijedi:

"Podnosim inicijativu prema Ministarstvu prostornog uređenja Federacije BiH i Komisiji za očuvanje nacionalnih spomenika BiH da se prirodno graditeljska cjelina - Isa - begova zavija u Sarajevu (Općina Stari Grad Sarajevo) dovede u normalno stanje i konzervira za sve buduće aktivnosti.

Obrazloženje:

Komisija za očuvanje nacionalnih spomenika BiH je na sjednici održanoj od 15. do 21. marta 2005. godine donijela Odluku o proglašenju prirodno - graditeljske cjeline - Isa - begove zavije u Sarajevu nacionalnim spomenikom Bosne i Hercegovine. Vladi Federacije BiH dato je u nadležnost da osigura pravne, naučne, tehničke, administrativne i finansijske mjere za zaštitu, konzervaciju, prezentaciju i rehabilitaciju nacionalnog spomenika.

Današnji izgled lokacije predstavlja smetlište, a ne nacionalni spomenik u starom dijelu Sarajeva. Stoga, preko nadležnosti kantonalnog ministarstva pokrećem inicijativu da se navedena lokacija počne koristiti u skladu sa Odlukom Komisije za očuvanje nacionalnih spomenika BiH."

ODGOVOR:

Realizacija predmetne inicijative nije u nadležnosti Ministarstva prostornog uređenja, građenja i zaštite okoliša, već Ministarstva kulture i sporta, koje bi putem Kantonalnog zavoda za zaštitu kulturno - historijskog i prirodnog naslijeđa Sarajevo trebalo da koordinira sa višim nivoima, aktivnosti u vezi osiguravanja pravnih, naučnih, tehničkih, administrativnih i finansijskih mjera za zaštitu, konzervaciju i rehabilitaciju nacionalnih spomenika, uključujući i konkretno Isa - begovu zaviju.

S druge strane, ovo Ministarstvo je nadležno za provedbu Zakona o zaštiti prirode



("Službene novine Federacije BiH", broj 66/13), na osnovu kojeg je Skupština Kantona Sarajevo donijela Zakon o proglašenju Zaštićenog pejzaža "Bentbaša" ("Službene novine Kantona Sarajevo", broj 31/17), a u čijem obuhvatu (Druga zaštićena zona) se nalazi i lokalitet Isa-begove zavije. Članom 134. Zakona o zaštiti prirode propisano je, da na zaštitu i očuvanje kulturnih dobara koja se nalaze na području zaštićenih prirodnih vrijednosti (u konkretnom slučaju zaštićeni pejzaž), primjenjuje i propisi o zaštiti i očuvanju kulturnih dobara.

Pomenutim Zakonom o proglašenju ZP "Bentbaša" definisano je, da se zaštita ovog nacionalnog spomenika u propisanim granicama, vrši u skladu sa Odlukom o proglašenju prirodno - graditeljske cjeline Isa - begove zavije u Sarajevu nacionalnim spomenikom Bosne i Hercegovine ("Službeni glasnik BiH", broj 29/05).

Inače, Kantonalna javna ustanova za zaštićena prirodna područja upravlja ZP "Bentbaša", a svoju osnovnu djelatnost zaštite, održivog korištenja i promocije prirodnih vrijednosti kako ovog, tako i ostalih zaštićenih prirodnih područja kojima upravlja, ova Ustanova realizuje već godinama sa malim brojem ljudi. Međutim, i pored ove činjenice, Javna ustanova radi i na očuvanju stanja nacionalnih spomenika, kao dijela identifikovanih i valorizovanih vrijednosti svakog zaštićenog područja (napr. postavljanje adekvatnog mobilijara na lokalitetu nacionalnog spomenika Most u Plandištu - Rimski most u Spomeniku prirode "Vrelo Bosne", postavljanje ploče za prezentaciju nacionalnog spomenika Kozija Čuprija, redovno košenje i održavanje obuhvata nacionanih spomenika i dr.), s napomenom da su ove aktivnosti ograničenog karaktera s obzirom na ograničene nadležnosti Ustanove, te činjenice da su svi značajniji zahvati (radovi) u funkciji zaštite, konzervacije, a pogotovo rehabilitacije nacionalnih spomenika, u isključivoj nadležnosti viših nivoa vlasti.

Na kraju ističemo, da je značaj nacionalnih spomenika prepoznat i u okviru Plana upravljanja Zaštićenim pejzažem "Bentbaša", čija je izrada u toku, a donošenje ovog upravljačkog dokumenta od strane Vlade Kantona Sarajevo propisano je ranije pomenutim federalnim Zakonom o zaštiti prirode. U tom kontekstu, a u cilju detaljnog sagledavanja kulturno - historijskih vrijednosti sa aspekta njihovog daljeg održavanja i zaštite, a onda shodno tome i predlaganja aktivnosti u akcionim planovima koji će biti sastavni dijelovi Plana upravljanja ZP "Bentbaša", dana 10.12.2019. godine održan je sastanak sa Kantonalnim zavodom za zaštitu kulturno-historijskog i prirodnog naslijeđa Sarajevo, Kantonalnom javnom ustanovom za zaštićena prirodna područja i izrađivačem Plana. Pri tome je zaključeno, da se u Planu upravljanja predloži izrada (u zajedničkoj saradnji sa višim nivoima) Programa obnove, uređenja i prezentacije svakog pojedinačnog nacionalnog spomenika. Nakon pripreme ovih programa, prijedlog je da se u sinergijskom odnosu traže i određena sredstva za njihovu realizaciju.

S poštovanjem,

 **MINISTAR**
Daniil Filipović, MA prava

Dostaviti:

- Naslov
- Đ Stručna služba Vlade Kantona Sarajevo, ovdje
- Evidencija
- a/a



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031

Sarajevo, Reisa Džemaludina Čauševića 1

